

嶺雲海日樓詩鈔

嶺雲海日樓詩鈔

庚子稿

南武山人丘逢甲倉海著

同懷弟

輯輯編輯

送李伯質太守歸里

船頭伐鼓升船旂潮州老守今南歸天公予閒兼予健
人生七十古所稀方今中朝重耆碩袞袞公卿頭畢白
但非策免皆固留夜望三臺自深惜如公此行今所難
文書十上辭一官卽論知止亦高絕况復遠識時能觀
大海茫茫正龍戰老眼飽看猶健飯布帆無恙歸去來
且喜春江魚價賤公家舊住蘄黃間結廬更向霍太山
兒孫教識忠孝字餘事廣種山中田公歸自得山中樂

累我中年別懷惡何時寄我山居圖相思遠慰南飛鶴

次韻答蘭史香江見贈

乾坤何地許揚眉海上逢君淚滿衣泥飲已虛蝴蝶會
寄愁惟詠杜鵑詩平陵松柏人誰問京雒風塵客自知
擬約子猷重過訪扁舟春雪預相期

時經曉
陰雨停

早春有懷蘭史用高常侍人日寄杜拾遺韻

東風夜入說劍堂引杯自醉梅花鄉韓江有客遠相憶
江聲正攬愁人腸聞鷄欲舞誰相與神州陸沈劇堪慮
祇今海上無仙山縹緲飛樓寄何處蟠桃花發天爲春
安知滄海方揚塵與君行覓詠詩地我亦蒼茫獨立人

林驚雲郎中

鶴年

寄題螻蟻忠蹟詩冊追憶舊事

次韻遙答

八首

故人天末緘詩至格似龍標供奉多不愧南中稱十子

一時人望屬西河

救國樓對南中十子詩
君預屬西河君望也

筆端浩氣滿乾坤桑海歸來義憤存碎破河山同感慨

更將忠蹟表螻蟻

當時痛哭割臺灣未肯金牌奉詔還倉葛哀呼竟何補

全軍難保武巒山

方君某太僕團防軍時予總統全臺各縣總軍前臺之役太僕
倉卒內斃予獨拊膺保臺卒乃轉敗支離無成而去武巒山在臺中

英雄愧說鄭延平目斷殘山一角青何日天戈竟東指

誓師海上更留銘

保臺之舉日人平山氏比予為鄭成功可愧也
海上誓師余子磨崖字或以為鄭有誓師云

黯黯歸雲擁海槎浪紆籌策事量沙島中義士依然在

伏臘年年奉漢家

經史無功世賤儒
空山披褐感潛夫
斬新花樣愁經眼
顛倒天吳紫鳳圖

尊酒東山拜大忠
浩歌人尙氣如虹
殘篇重檢王炎午
來祭廬陵信國公

徙盡虹橋橋畔螺
北風吹客冷蕭騷
沁園一闋君須記
落木斜陽句更豪

藍溪烈婦篇爲上杭族人德祥妻廖氏作

藍溪水清而蓄中有雙鴛鴦
旁有連理木上多賢者居
吾丘世聚族歲在蛇
賢人嗟秋風吹折連理花
文鴛一夜死
鴛殉其雄死自矢於時九月天雨霜月魄將死未

死尙有光如珥流照人間烈婦里婦年三八缺未完千古完名付彤史夫有烈婦夫不死婦死先令夫有子去夫之死三日耳藍溪水清且長濱溪行建烈婦坊上書天語爲褒揚下書婦氏廖夫曰丘德祥海可枯石不爛巍坊永永藍溪岸

崧里烈婦篇爲門下士大埔何壽慈妻蕭氏作

吾門有何生其才清且美弱冠赫有聲不愧名家子火色法宜貴祇憂不壽爾奈何衿未青一鳴竟長已有婦氏曰蕭從容殉之死吁嗟乎造物忌才尤忌名何生惟有才不幸與之櫻烈哉婦乃以一死婉婉上與造物爭才雖可死名不死豈非賴此閨中英君不見崧里之山

高業業松里之水揚益潔中有峨峨雙綽楔天荒地老
名不滅

和曉滄歲暮感懷次元韻 二首

萬里邊聲倚枕聽盜羊何止有丁零將軍妄託天公號
術士虛談地母經剩有封章說初月可無杯酒勸長星
空山漢臘依然守目斷中原一髮青

輪轉誰知地四游跋為冷入北門幽秘書無效嗟劉向
穢史能傳笑魏收消歇國謠王共馬支離黨局李讐牛
枝枝向背分寒煖且看梅花爲小留

將之南洋留別親友

八首

一水茫茫絡五洲此行心已徧全球衣冠異代圖王會

書劍平生快壯游花慢俗探柔佛國錦袍人上謫仙舟
要知吾道其南意魯叟先言海可浮

書生三十舊登壇落拓防身劍氣寒異國談瀛誇海客
中天列宿愧朝官千年鶴爪書何苦一卷虬髯傳未殘
獨上柁樓看象緯東南風急送青翰

五載金城客閉門拍天海氣晝昏昏九邊田牧思班壹
二帝遨遊笑馬援地陷東南浮大島天留豪傑救中原
撫髀漫下英雄淚新野應容一旅屯

破荒文字走風雷草昧思從海外開挾策九夷嬉鳳去
携竿三島釣鰲來天廼博望乘槎路人陋相如諭蜀才
無限抱孫椎結輩待教絕徼築朝臺

萬里南車過越裳春風原不阻炎荒虛無龍鼎訛黃帝
鄭重麟書拜素王驃國樂來天酒醉鮫人市罷海珠光
蠻花萬樹開如雪難遣填胸熱血涼

極外占星計水程天門殘夢攪濤聲青牛道遠流沙阻
白馬經荒劫火生看日果逢人北向行雲如送客南征
賈洲洲上瞻尼父海燕春風正滿城

騶歌聲裏卽天涯胡越何妨竟一家大海從新開世界
羣山依舊拱中華貢金待鑄先朝史碾玉教圖異域花
島國王侯看下拜書生此念太豪奢

南溟從古是天池笑看鯤鵬變化時已遣少師先入海
可容箕子獨明夷人來上國仍冠冕詩出中原更鼓旗

篋有中朝新樂府徧傳騎象戴花兒

五載金城由丙申至庚子五年間居朔州

寄答陳夢石明經

菴

卽題其東溪吟章

二首

床頭箕草參詩草門外松聲答水聲坐對溪山安硯席
方田如罫賦春耕

身原博士非關箕天遺窮人最是詩消受時名但餘技
空山誰識老經師

初發韓江

韓山雲氣擁雙旌江上扁舟第一程四海客懷鴻鶴志
三春人別鳳凰城九州有九徵吾說南斗以南快此行
無限雄心消不得倚篷閒看暮潮生

次鮑浦疊前韻

一夜東風送客旌海門人暫駐征程山迴閣石青連岸
江繞篷洲綠到城看雨市樓呼酒醉冶春官舫載花行
同舟共濟艱難日未免茫茫百感生

東山重修景賢樓大忠祠次第落成喜而有作

東山曾過昌黎伯信國勤王更駐師呼石與談前代事
鑄金重拜昔賢祠春風游女飄遺帙婦女出門以黑巾蒙面目
韓公始創屬今猶然落日
行人讀斷碑忠節文章坊宛在千秋來話此心期

詠史四絕句和曉滄

魯仲連

六國不帝秦賴有布衣在懷古獨登臺斜陽滿東海

田橫

有十五百人島中猶可國何事奉頭來秋風洛陽陌

趙佗

終築朝漢臺未預誅秦會呂雉不能臣偉哉南武帝

錢鏐

十四方州富二千戰弩強平生愧昭諫獨未討朱梁

鮑浦將發寄許韞伯

別懷難共海雲開更向何人借酒杯本領依然心計拙
可憐還唱渭城來

哭李芷汀

布衣牢落病兼貧南徼驚聞噩耗真四海名流同哭寢

千秋文苑此傳人談兵慷慨曾前席鈎黨紛紜竟潔身
地下鬼雄應問訊中原如沸未維新

李正行名東阮曾充彭玉麟幕府

酒樓題句

紅雲四照酒光濃開讎蓬來頂上峰手撥劫塵看世界
茫茫人海戰羣龍

澳門有贈

海上我來尋大俠如君何讓古朱家北胡南越英雄在
落日蕭蕭廣柳車

澳門雜詩 十五首

五百年中局屢新兩朝柔遠暢皇仁自頒一紙蠲租詔

坐看江山換主人

葡萄牙人居澳門自前明及本朝皆納地租光緒十三年始以地給之

遮天妙手蹙輿圖誤盡蒼生一字租前代名臣先鑄錯

莫將割地怨庸奴

以澳門租葡人由林嵩奏請林國前明名臣

不是花門也自留中朝全盛有人憂當時但笑書生見

非策方今信鹿洲

漳浦縣鹿洲有輪極百度門居夷非彼藍雅正時人

大西洋國競驚奇前代文人易受欺一笑於今不相稱

可憐窮已似波斯

前明皆以葡萄牙為大西洋國不知其為小國也今駐澳葡人甚貪慕山雞莫有不稱一條云亞波斯

冶葉倡條徧茁芽雙瞳剪水髻堆鴉春風吹化華夷界

真見葡萄屬漢家

駐澳葡人多非卷髮碧眼之舊或謂為水土所化云漢中尤多洋妓

兩園新舊傍山開花下輕車走若雷逢着人天安息日

亞當親挾夏娃來

南環有葡萄新舊兩花園種稱曰士女車馬客至亞當夏娃見舊約書末句一作看花爭競美人來

天主堂高十字支築從新教未行時嵌空萬石玲瓏甚

獨少流傳景教碑

天主堂自前明時即建
新教助西人所讀修教

誰從異代紀倭氛曾比歐西早駐軍猶有蜻蛉洲上客

殘坊剔辭讀和文

日本人居倭在葡人
先今日本石坊猶存

白鴿巢高萬木蒼沙梨兜擁水雲涼炎天傾盡麻姑酒

選石來談海種桑

白鴿巢樹石冠勝
其地近沙梨兜

四山高拱砲臺尊海氣空濛晚角喧落落老兵扶醉去

斜陽一抹望霞村

山上各有砲臺然皆
舊式望霞村即旺厦

覆路榕陰接海堤望洋東轉望洋西馬蛟石上看潮立

十萬軍聲戰水犀

東望洋西望洋皆地名
馬蛟石爲觀海最勝處

誰報兇酋發塚冤寶刀飲血月黃昏要携十斛葡萄酒

來酹秋原壯士魂

蘭西昔有過發唐人墓者爲某壯士所手刃

樓臺金碧擁南環燈火千門夜不關滿地煙花春似海

三更人立磨盤山

南環爲胡翼聚居處予所寓在磨盤山上夜望燈火如繁星

銀牌高署市門東百萬居然一擲中誰向風塵勞物色

博徒從古有英雄

漢中賭館最盛開皆署銀牌以招客

仙洞雲封萬竹深隔江勝地負登臨倚樓幻作蓬瀛想

一角青洲出海心

擬游竹仙洞未果實州在海中

疊韻答潘蘭史送別

二首

潮氣濛濛島嶼青客心南去極滄溟人逢裸國章縫賤
山入蠻荒草木腥兵火未消天狗劫風雷猶奉野狐靈
無窮萬里乘槎意不爲來看海上星

刀光寒閃鵬鵠膏俠膽消沈客路勞禁衛全軍歸呂祿
中原重鎮付朱滔金牛假道愁窺蜀石馬傳文詔共槽
海外且尋徐福去蓬萊極目五雲高

疊韻答陸敬南

亞雨歐風鬱不開聞雞人正渡江來篋留表餌平戎策
夢繞旌旂拜將臺地盡中原逢大海天當亂世出奇才
填胸壘塊澆難化百尺樓高借酒杯

答敬南見贈次原韻

四首

一石天下才敢云獨八斗鬱鬱信陵君平生付醇酒
名士劉景升世家袁公路把酒論英雄彼哉何足數
世無倉海君誰發誅秦意一擊天下驚奮起龍虎氣

尉佗昔帝粵獨爲陸生折寶劍千金裝南來景前哲

題蘭史望羅浮圖次原韻

奇峯四百三十二別後相思不計年尋夢客迷胡蝶洞
看山秋上老龍船前身萬令仙爲耦左股蓬萊海化田
風雨迷離圖未得詩魂寒度瀑雲邊

題蘭史西樵攬勝圖

山氣化雲雲化水玉龍飛挂空山裏七十二峰雲水中
仙人夜半呼龍起空山有客晨搜奇濛濛龍氣寒鬚眉
逍遙臺上吸雲水散作人間無數詩我來尋山看龍挂
猶幸讀詩如讀畫揭來復見攬勝圖置身忽入清涼界
此山自合巢古仙誰教鑿險通人煙世人奔走仙人笑

山中講學聲琅然奇峰盡矗青蓮朶何意人間飛劫火
神仙樓變豪客居古洞碑流黨人禍山中流水長潺潺
山雲一出何時還我披畫圖望雲水七十二峰相對閒
安得將山還大古謝絕時人作山主餐雲飲水吟仙詩
呼龍耕煙墾瑤圃

歐冶子歌

噫嘻乎嗟哉魔風夜扇大海水妖鳥西飛金兩翅飛啄
羣龍龍半死神龍不死何時起金仙鉛淚流不止此劫
茫茫古無似不數漢家燕啄矢誰爲鑄劍藏厥妖當代
吾思歐冶子於時日蝕團黃月華紫乃采天精扶地髓
天帝下觀萬靈侍雷公電母風伯雨師聽驅使祥金躍

出洪鑪裏鑄成雙劍神無比崑崙爲礪沃礁砥陸斬虎
獅水剽兇妖鳥哀號張大嘴羣魔乞命等羊豕一揮再
揮試神技乃使五洋沈軍艦六洲平戰壘於時天地乃
清甯璧合二儀珠五緯告太平者有太史一統之朝古
無此神劍依然發刃始老我不才稱劍士布衣長揖歸
田里噫嘻乎嗟哉當代吾思歐冶子

題駱賓王集二首

義師散後遜僧寮老抱雄心託浙潮此筆江河流萬古
多因曾檄僞臨朝

鳳閣鸞臺宰相忙此才竟令落蠻荒若將文字論知己
惟有當時武媚娘

九龍有感

羣峰疊翠倚樓間一角顏雲夕照殷
忽憶去年春色裏九龍還是漢家山

紀事 二首

閩闔沈沈路不通封章空自効愚忠
人間漫託朝陽鳳已落羅鉗吉網中

何止誅求在市租上供祇道急軍需
相公南下紆籌策報國居然仗博徒

七洲洋看月放歌 二月十二夜

一舟之外天連水萬里空明月輪起
七洲洋裏看月行數徧春宵古無此
舟行雙輪月隻輪青天碧海無纖塵

茫茫海水鎔作銀着我飛樓縹緲獨立之吟身少陵太
白看月不到處今宵都付渡海尋詩人月輪天有居人
在中間亦有光明海不知今宵可有南去乘舟人遙望
地球發光彩地球繞日日一週日光出地月所收此時
月光照不到尚有大地西半球此時月光隨我來南遊
大千界中有此舟更着此月來當頭舟中吳謳答越謳
月光夜照花枝幽中有蠻姬十隊並作天魔舞東音西
音四起聲咿嚶嫦娥應自怨幽獨不及人間兒女同無
愁安知人海羣龍方血戰蝸國蚊巢紛告變月光偏照
六大洲萬怪千奇機械見贖此同舟胡越猶一家各抱
月華共歡譙自從中朝海禁開年年月月泛月有人來

忽然今月屬吾有此時此地此景真奇哉吸月屢罄葡萄杯獨惜南溟島國盡隸他人屬坐歎熱帶之下無雄才人間萬事紛變滅方見月圓旋月缺四萬八千修月仙玉斧長勞竟何說固知盈虧之理原循環大地山河終古不改色卽今圓相雖未全一出已令天下悅天上之月海底明上下兩月齊晶瑩兩月中間一舟走飛輪碾海脆作玻璃聲月兮西落而東生北舟莽莽方南行天經自縱地緯橫此時吐吞八極詩方成天雞喔喔呼潮鳴自是詩中海權大萬里南天開海界月華夜夜供豪吟月神不怪海神怪明朝待看海上無數之奇峯明宵舟泊賓童龍瀾滄江頭看月去江花江柳春溶溶

昆侖

茫茫天水氣相吞大海中浮獨島尊不見神龍見神鳥
七洲洋外望昆侖

二月十五日抵西貢作

樓臺金碧國旂飄吹角江頭虜氣驕地極南交逢熱帶
人來西貢作花朝椰林草屋蠻跳月綠舫紅燈客守潮
走徧香車堤岸路不曾辜負好春宵

西貢雜詩 十首

七洲洋外海程遙竟夕揚輪趁曉潮九十九灣春水曲

瀾滄江上作花朝

七洲洋已過約一日即至西貢入口
處有九十九灣其江即瀾滄江也

豈獨開疆自漢秦南車久已載皇仁誰知富貴誇真臘

竟屬黃鬚碧眼人

西貢即真臘地素稱蠻交州屬也古越裳亦在此

力遣孱王懾虎威殘疆何止割南圻雲山北向空揮淚

孤負遺民望黑旗

南圻六省西貢爲嘉定省南圻失最早黑旗所駐在北圻

未肯洋裝換越裝金環椎髻素衣裳傳經伯讀佉盧字

遺教無人說土王

土人仍越裝少作西洋裝者但聞今年三十以下者皆讀西書少通中國文者可數也越南人稱土王曰土王

水程幾日達高棉山勢南趨盡越邊一夜黃花江水長

滿堤金塔賣魚船

金塔國即高棉每夏賣花水長魚即大至去西貢輪船兩日趨

綠樹雙堤護走車隔簾鸚鵡聽呼茶獨憐嗚咽琵琶語

半是珠江落後花

越南亦有土妓然侑酒者多乘樓皆珠江落後也

檳榔紅嚼蠟灰腥祭露瓠犀醉半醒交趾不逢逢黑齒

大荒重紀百蟲經

古云交趾人趾皆交無其事惟越南男女皆喜檳榔齒黑如漆耳

吾鄉大令昔生還風土蠻荒記最嫻江上愁吟香祖句

不堪回首念家山

彭顯蔡香祖名廷蘭曾爲縣令適風飄至廣議與越南人士迭有唱和所著雜記風土甚詳

多少蠻姬理夜香當門紅燭蕩花光可憐膜拜西天佛

管領眞歸大法王

婦女多在門外膜香紙夜祀神者膜拜仍如花佛儀

金碧樓臺眼界新競將工巧詫西人竹籬茅舍清江上

幾樹幽花本色春

估人所居岸樓駢列而越人草屋數間仍如故制

舟中望茶盤山

滄波無際夕陽紅孤嶼蒼茫大海中水墨痕濃雲脚矮
茶盤山外雨濛濛

飲新加坡鰲詠樓次菽園韻

二首

春風海上客徵歌消受羣花眼福多我比石齋尤豁達

不妨坐抱顧橫波

風雲萬里鬱神州人醉天南第一樓唱徧南朝新樂府
最難天子是無愁

天南第一樓放歌

亞洲一片雲頭惡羣花摧折雌風虐護花幡立海東南
楊裘公子方行樂千紅萬紫開春中團圓月照何王宮
麤豪莫笑虬髯客斌媚全勝羊鼻公第一樓頭人第一
天女散花香滿室中宵醉臥海雲紅夢遺黃人捧朝日

星洲喜晤容純甫副使

閩卽送西行

三首

吾國有參亞將爲歐美游艱危天下局慷慨老成謀新
運開二世雄心遍五洲南華樓上話一夕定千秋

七十尙如此吾徒愧壯年排雲叩閭闔救日出虞淵異
域扶公義神州復主權東之原未老終仗力回天
廿載知名久相逢漳海春亞洲數先達嶺表有奇人南
出終張楚西行更哭秦風雲看勃鬱萬里送飛輪

寒地甫名園

答葉季允

悉誠

見贈

四首

平生風義柳堂門雄直依然粵派存誰料南荒柔佛國
聽松廬更有詩孫

季允爲柳堂弟子有私印曰聽松廬詩孫

萬里飛騰志未乖海山蒼莽遣吟懷他年島國傳流寓
詩屋人尋豆腐街

季允所居

廿載風塵粵客裝晚公山遠鬱蒼蒼自來海外稱詩老

更望佗城作故鄉

勞贈才人絕妙詞天涯有客遍搜奇獨憐荒嶠來相語
絕少韓陵一片碑

葉季九名燕城

舟過麻六甲

即滿刺加
國三首

南風吹雨片帆斜萬疊山青滿刺加欲問前朝封貢事
更無人說故王家

碧眼胡兒拜武皇貢書猶託島中王直陳藩國流離狀

曾有吾家侍御章

明武宗時滿刺加已爲西人所佔猶託故
王名入貢族祖御史公遺骸力陳其情

荒山中尚有遺民一死居然與古鄰贏得蓋棺遮短髮

四方平定鐵厓巾

閩人沈廣在明代今
相傳徐尚以明衣冠

由星架波抵檳榔嶼舟中口號

柔佛國中逢上巳
檳榔嶼裏作清明
恩恩霧鬢風鬟影
飽看春山兩日程

游阿易意淡觀音閣次壁間韻

阿易譯言水意淡黑也

不使南荒劫火燃
流沙黑水且安禪
六時梵唄潮音靜
千眼靈光寶相圓
出洞猿携山果獻
歸巢鶴抱海雲眠
諸天也藉黃金力
變現西方九品蓮

檳榔嶼雜詩

五首

谷繡林香萬樹花
青厓飛瀑落砒砒
誰知地下潛流出
散作春泉十萬家

海外居然譜學通
衣冠休笑少唐風
黃金徧鑄門楣字

不數崔盧郡望崇

用舊詩榜郡望

一輪月照萬花嬌
歌管聲中長夜潮
寶馬香車春似海
打毬場外看元宵

走馬交衢碾白沙
椰陰十里綠雲遮
曉風吹出山蜂語
開遍春園豆蔻花

霧閣雲窗啓道場
不須極樂數西方
山僧指引頻誇客
頂禮曾來白象王

道君岩

論治人方咎禍胎
化胡更向海天來
青牛西域流沙遠
朱鳥南荒古洞開
聚窟乳泉飛法雨
空岩蠻語答春雷
獨憐混沌年年鑿
談道難教劫運回

岩後西人方以機語取白名

南道院 二首

寶氣搜殘剩石頭石玲瓏化洞天幽三分得水知魚樂
九曲看人作蟻游荒外有山容道侶海中無地不瀛洲
他年補入神仙傳曾費驂鸞半日留

林外方塘塘外山洞門高下鎖煙鬟藤陰滿院聞蟬語
雲氣當軒待鶴還絕妙文心惟曲折最難仙福是清閒
海天歸去猶留夢他日相思浩渺間

自題南洋行教圖 二首

莽莽羣山海氣青華風遠被到南溟萬人圍坐齊傾耳

椰子林中說聖經

四月朔日在關興別墅折
諸聞者以爲得未曾有

二千五百餘年後浮海居然道可行獨倚斗南樓上望

春風迴處紫瀾生

斗南樓門人王生
所居字號署額

留別曉滄次題行教圖韻

南風吹大海日軌走南陸我行君尙留慷慨念時局神
方置不用誰起國病篤同抱救世心栖栖行海曲空言
要何補長身祇食粟此來已三月共惜流光速羣山送
我行海氣清而肅眷念君平生抱道過王蠋臨歧爲我
歌高響振林木林中雙異鳥飛鳴正相逐勉哉保令名
何必愧異服

曉滄時改南洋商人服

舟泊吉隆

巴丁江上駐游蹤倚柁微吟望遠峯一夜雙輪乘月去
計程明日到芙蓉

芙蓉 二首

林裏交柯萬樹花
出林樓閣倚朱霞
一生長在芙蓉住
羨煞江頭賣酒家

海山縹緲客心分
錦字天涯隔暮雲
獨向芙蓉江上望
遠峯眉黛憶文君

客樓夕感

海色天容入望遙
凭闌心事湧如潮
茫茫泥雪征鴻急
隱隱車雷虜馬驕
萬疊蠻雲開熱帶
一輪娥月送涼宵
好風不爲吹愁去
銀燭清尊伴寂寥

南還抵汕頭準聞琰兒球兒殤耗哀感書此

六首

頻年痛哭爲哀時
誰料今朝更哭兒
擬遣靈龜向天問

挑燈和淚讀韓詩

扁舟劫外侍東還投劫安知在此間
阿弟六齡兄十六
九泉風雨念家山

望爾成人竟不成中年哀感倍傷神
青山何處埋兒骨
黯黯愁雲隔鳳城

全家避地古梅州獨客南歸尙滯留
夜夜雛魂夢中見
寒潮嗚咽浪西樓

食厲偏難恃女嬭便非英物也
淒然欲呼羣力新中國
已失人間兩少年

弧矢男兒志四方河山北望戰雲黃
可憐竟背爺娘去
不共汪錡作國殤

秋日藕華枉過山居次元韻

四首

混俗仙人鍾穎陽劫塵世界少班行騎驢曉入秋山裏
來看丹楓萬樹霜

天冠山下野人居除却漁樵少往來今日謫仙勞過訪
看山還費賦詩才

擬種山中萬樹梅花時香雪定成堆如何尙未鋤明月
已有神仙跨鶴來

滿路秋花散晚香一尊人醉萬松堂呼雲送客出山去
金簡峯頭初夕陽

藕華即鍾穎陽又字子格清溪生見卷一鍾華歌

陰那山行

五嶺東來勢忽止陰那山自雲中起山在雲中不可見
得雲山乃留眞面我生愛山尤愛雲策馬尋山看雲變
陰那之奇無不有擎空突兀擎雲手大雲放作天下雨
小雲留贈山中友登山不學昌黎哭游山豈作開雲祝
高秋十日雲沈沈山靈知客嫌秋陰擗雲忽散秋宇淨
古栢榮枯護禪定倚天五葉開青蓮奇峯頓落琳宮前
上有飛仙來往之天橋下有茶香萬斛之流泉山中寺
古逾千年開山何人潘了拳金光明現身丈六昔曾入
夢來清源

乙未夏在東州留夢見異僧二來稱一過身作金色
光一作玉色光作金色光者目贊姓名曰潘了拳

吁嗟乎占山須占

天下奇作佛須作雲雨師萬里中原騰旱氣願驅羣雲
出山去留雲不遺遺雲陰山與祖師俱慚愧

陰那山在今梅縣東境揭陽與大埔縣接境處
靈光寺在陰那山爲新槐祖師留了崇報遺處

靈光寺晚眺 四首

般若臺荒噪暮鴉香鑪峯冷掛殘霞夕陽盡作燕支色
染出秋林樹樹花

三柏生枯氣鬱蒼沈沈紫殿梵雲涼綠杉野屋隔溪水
牧笛數聲山月黃

盡洗蘇王僞體篇空山飛瀑瀉寒煙山靈自展凌雲手
妙寫餘霞散綺天

山志載東坡陽明詩皆僞作

將軍席罷梅仍落學士軒空栢自留猶有舊時明月在
照人來作閨中秋

王壽山詩 十首

百盤路盡是山門避世人猶宅址存消受桃花千萬樹

梵王宮占武陵源

元季有在山建觀者築岩壑田今田畝歸僧

廣福庵寒鎖落花開山初祖屬吾家欲尋鳳髻峯前塔

斜日秋林噪暮鴉

廣福禪院開山僧名映鑑俗姓丘明初人鳳髻峯在院後塔基尚存

下方僧院衆山巔百折林梢路更前絕頂別開新世界

濛濛花雨散諸天

廣福禪院已在衆山上由廣福至祥光倚五六里許

秋河掛樹露華濃殘月銜山起聽鐘花影滿身寒不寐

不知身在最高峯

山上人秋即須披蓋

仙人去後碧雲寒丹竈無煙玉井乾留得殘棋一枰石

秋風吹客話長安

昔有王岐者在山修道丹竈仙井棋枰石其遺蹟也

眼底闔山與粵山霸圖山色有無間老僧不管人間世

黃葉滿林秋閉關

山陽縣福地
除關廣東

鳴鳩春路憶幽探
蒼蒼遺聞選石談
埋碧千年應不化

重鐫詩碣蔡梅庵

一路春鳩啼落花蔡公
蒙古王壽山詩句也

遺墨殘山覓舊剡
空林涼碧墜松杉
珊瑚寶玦消磨盡

滿目寒雲帝子巖

帝子巖或云臨武帝子
曾至此有遺字在石

何處寒薇問首陽
名山竟遺落蠻荒
秋心瘦入詩人骨

簪笠峯頭夕照黃

山本名陽首鑪笠
峯爲山最高頂

萬方多難此登臨
滿逕幽蘭石氣陰
欲把離騷當梵唱

識除香草美人心

山中多蘭

祥光寺聯附

此山介閩粵之交
自成丘壑任仙人
寵冷帝子岩

寒群峯拱揖尙依然看殘世界空華萬柄青連九
品臺高開寶座 我佛以慈悲爲本何惜津梁仗
西竺經遺南宗鉢在末劫挽回原易事留得英雄
退步一庵黃葉三生石古證情禪

王壽山在今梅縣東北松源堡

畫蘭曲

謝生爲李生畫蘭石帳額走筆爲書此

秋風吹冷松江水謝覽蘭芳仍竟體晴窗擲筆寫秋英
芳心不向霜前死眼中九畹無閒田突兀拳石安花間
花幽石瘦各自媚風莖露葉何娟娟北平今日誰飛將
一枕幽香酣玉帳借花陶寫英雄心豈特離騷當梵唱

李生夢子王
夢山詩

夢破中原夕照紅幽蘭開落荒山中莫教無土
孤根露花裏殘經寫大空

題葉婉仙女史古香閣集 三首

修竹娟娟翠袖單六銖衣薄不勝寒新詞一卷疏香閣
煮夢仙人葉小鸞

福慧雙修竺落宮玉樓人去錦屏空翩翩獨立人間世
贏得香名飲粵中

滴粉搓酥綺意新溶溶梅水寫丰神桐花閣外論詞筆
更遣香閨作替人

葉婉仙名鑾華嘉應州人適李姓著詩名古香閣集

天上

天上何曾可寄愁
逍遙聊學漆園游
雲山北向迷三晉
禾黍東遷痛二周
漠漠蟲沙仙脫劫
冥冥龍夜客哀秋
荒雞風雨無人語
四海當時一子由

古大夫宅下馬石歌

有序

石在嘉應州北門有黃氏築宅担土得古鎮宅錢以告公度京卿詢其地曰馬石下走視因得此石有文曰宣和四年古大夫宅立大夫者蓋古革也京卿以摺文見示乃爲作歌

七百年來掩塵土
石與大夫俱氏古
大夫何許人廼是
紫虛仙人四世孫
宅在梅州州北門
眼前不見大夫宅
止見大夫下馬石
石立宣和之四年
大夫手鑄鎮宅錢

古錢出土銅鏽紫留與後人知宅址錢鑄何年石能語
此石不刻黨人碑又不貢築良岳兼花移大夫五馬何
逶迤留題七星巖石方來歸建慶七年巖有古碑
政和八年題名大夫歸來立石
日天子尙未蒙塵時當國者誰蔡太師吁嗟時事已可
知大夫下馬心應悲朝更代改宅何有大夫名在馬骨
朽惟有此石長不刊大書深刻苔花寒摩挲欲具袍笏
拜當作到氏奇礪看

南漢敬州修慧寺千佛鐵塔歌

有序

庚子秋游梅口鎮溫柳介同年示以黃公度京卿所
寄南漢敬州修慧寺千佛鐵佛銘損本矜爲創獲及
冬抵州謁京卿得見塔殘鐵其第七層一方卽銘文

三方缺故不知鑄者銘者姓名四層及六七層之半俱佛像以所得約之知塔有千佛惜缺者無從覓不能見其全矣塔蓋南漢劉鋹時州民募建以祝福者與光孝寺東西鐵塔奉勅造者先後同時計大寶八年乙丑歲建而始毀於同治四年乙丑閱歲乙丑者已十有五銘文詞近爾雅書亦具體顏平原州中之金此爲最古惜省志州志俱未載吳石華先生南漢金石志搜羅甚廣亦失之眉睫致久鬱而不顯浸至殘毀無過問者今京卿得焉不可謂非此塔此鐵之遭也塔址在一小山上梅江繞其下去人境廬不半里登璇樓可望見惟修慧寺今不知何所或云康熙

間塔自齊州寺移建今址然無可攷證亦第故老相傳云爾京卿已屬柳介載入今州志復作歌屬予和焉弔古慨今遂有斯作

五金之用鐵爲廣惜或竟付降王長上供鑄柱下鑄牀更鑄貪癡佞佛想有鐵不遺鑄五兵又不鑄器資民生峨峨兩塔奉勅造民間觀者如風傾梅水東來避災地上有先朝修慧寺眼中突兀窳堵波不惜烏金鑄文字誰歟銘者工祝詞賢劫千佛森威儀皇圖欲仗佛力固安知天降香孩兒一鐵山圍一世界劫火中燒萬法壞巍然此塔九百年相輪夜轉罡風快豈惟牛角難長延眼看宋蹶元明顛敬州遺事共誰說塔端鈴語缺不圓

塔鑄何時歲乙丑有大力者負以走十五乙丑塔乃傾
敢信佛緣能不朽自從象教嗟中衰中分淨土參耶回
競假天堂地獄說乘虛與佛爭東來東來明星張國燄
礮雨槍雲鐵飛艦天經嗟罷萬靈噤海旂颭處千官詔
與之抗者談真空白蓮萬朶開魔風誰云此撩有佛性
妖騰怪蹕巾何紅此亦當今一張角滿地黃花亂曾作
國成誰秉邪召邪聚鐵群驚鑄此錯黃金臺邊鐵血殷
六龍西幸趨函關麻鞋何日見天子小臣足繭哀荒山
梅山蒼蒼梅水碧雄心陶寫付金石眼賊殘鐵南漢年
古鏽斑斕鐵花積當時鑄者知何人寺荒塔壞朝屢新
小南強花空供養卽今諸佛無完身鐵不得用鐵之辱

海風夜嘯蛟涎濁神州莽莽將陸沈諸天應下金仙哭
謂佛不靈佛儻靈睡獅一吼甦而醒破敵神兵退六甲
開山力士驅五丁五嶺雄奇積煤鐵廿政未修民曷殖
地不愛寶資中興會須富國兼強國吾國平等存佛心
紛紛種教休交侵行看手鑄新世界采山有詔需南金
人天同慶迴末劫王氣甯容霸氣雜神力永鎮閭浮提
何須四萬八千塔

白蓮教於開闢風以下十句時將鹿僧恭匪排外八國聯軍入京兩宮逃西安也

重晤梁輯五光祿話舊 二首

銅狄重摩定惘然春明舊夢歲周天與君同話滄桑劫
已抵仙人五百年

風雅都從變後奇
古來詞客慣哀時
可憐倒海傾河淚
獨立蒼茫但詠詩

戲爲張叟題麻姑進酒圖

三首

人間游戲太風情
混沌初分蝙蝠精
勾引麻姑來侍酒
須妨妒煞老方平

多恐麻姑鬢亦霜
蓬萊清淺海栽桑
還丹要乞餘杭姥
三少雞皮却老方

不須成佛不生天
納納乾坤任放顛
解識婦人醇酒趣
英雄退步便神仙

觀瀾亭題壁亭旁有庵供佛

二首

萬山難阻水奔馳
地陷東南出百夷
不信狂瀾迴不得

西風倚劍獨題詩

我佛如憐國債深山河大地變黃金蓮臺冷袖兜羅手
半壁塵絲古殿陰

久旱得雨初霽飲人境廬時聞和局將定

二首

忍把乾坤付醉鄉登樓休負好秋光黃龍約改清鐘酒
白雁聲催故國霜老樹半凋開遠目鞠花無恙展重陽
美人消息來何暮悵望秦雲各盡觴

得雨雖遲也勝無東皋預計麥苗蘇青天轉粟趨行在
黃海傳烽迫上都已歎鰲翻難立極豈容龍醒更遺珠
至尊薪膽勞明詔醉撫橫腰玉鹿廬

人境廬主即黃公度京師時因戊戌政變擬職歸寧應里居

用前韻賦答人境廬主見和之作

無物消愁且舉觴自拚千日醉程鄉誰張仙樂迎金母
漫詫神兵下玉皇竭井難醫狂國病剪燈空弔女宮殤
白蓮飄盡黃蓮死惆悵尊前說酒王

義和拳謂玉皇遣天兵八百萬紅盔黑甲梁山老母為首者自稱黃蓮聖母

母見近人撰天紳一月紀義和拳出於白蓮教見近人撰義和拳源流攷某邸父嗜酒俗有酒王號

百二河山未定都金鼇戴主讖原誣日廻舊馭長安遠
月送殘更太白孤鈎黨重翻十常侍璽書新欸五單于
群公休守偏安局推背猶存一統圖

賦答人境廬主見和之作此詩指義和團亂八國聯軍入京西宮西狩北京議和事

三用韻奉答

浮雲西北鬱蒼蒼殘角秋城淚萬行朋黨禍仍流丑相

太平功竟錄申王眼中木槿花榮落身後梧桐樹短長
自把千秋付杯酒湖山無恙膾尊香

狼星妖燄壓威弧八部群龍護曼殊朱果在天持剎運
黃花滿地禍神都入山我自尋青主人境屋宇自尋望海人誰
鑒黑奴漢德未衰豪傑出不須重唱鼓隳胡

四用韻奉答

滄海塵蒙鏡殿光公卿同哭牝朝亡河陰兵問充華罪
樂府歌殘斌媚章往事數錢憐姹女異邦傳檄過賓王
枉崇聖母無生法難遣神兵禦列強

延秋門冷夜啼烏寶玦王孫泣路隅已棄此身同腐鼠
有威平日假妖狐北庭飛雪行頭遠南斗流星應象殊

待唱迎鑾收野哭五陵佳氣未全無

雨中游祥雲庵五用前韻

九州誰土是吾鄉無地埋憂問佛忙黯黯山容都入睡
冥冥雲氣果何祥當關虎豹愁逢石在水龍鼃懶架梁
忽策青驄思蜀道雨中鈴語太郎當

未解天心悔禍無干戈滿地客愁孤分爭淨土魔何衆
遜守荒山佛太愚家法老僧惟托鉢人言羣盜尙偷珠
西風淚灑山門柳蝕盡秋蟲守舊株

六用韻奉答

秋色西來接大行故都回首虜塵黃淒涼汾水霑衣淚
倉卒蕪亭煮麥香歲幣檜倫遲款敵軍書操紹託勤王

斜陽萬里橋邊路誰奉當歸祝上皇

縱不人誅亦鬼誅生靈百萬死何辜斷難大義容三叔
休遣清談禦五胡行在陽秋書待著廣明庚子事原殊
中朝國法兼家法遏必隆刀可在無

游西巖靈境院七用前韻

七百年中電火忙元城游處佛靈彰後來鸚鵡新禪長
曾忤猢猻舊隊王山尙有神能迓客僧關何黨亦投荒
行人難解衰朝恨黃葉空林話夕陽

綠失榕陰老樹枯津梁疲後佛心孤

綠榕枯已枯

劫塵西起遮

靈鷲禪派東來出野狐何事揮拳學僧耳共驚遺教演
鴻儒登高欲寫哀時意十里殘山叫螻蛄

聞歌有憶八用前韻

碧落歸來舊侍郎
鈞天尋夢淚霑裳
皇娥倚瑟歌何艷
王母開筵樂未央
龍魂劫深愁魘舞
蚩尤兵迫罷媧簧
瑤池小隊停仙俸
齊向西華祝吉祥

渺渺瑤京帝所都
霓裳故部尙存無
九龍欲竊天公位
四象全翻太極圖
此劫本來關運會
諸仙平日太嬉娛
可哀休唱人間曲
顛倒先將斗柄扶

九用前韻

滿目獅章更鷲章
沈沈龍氣不飛揚
秋風石馬昭陵慟
夜雨金牛蜀道長
元老治軍收白芳
中朝厄閔等黃楊
若教死殉論忠義
何止區區李侍郎

金幣全輸玉並俘止兵幡未下騶虞六宮急作拋家髻
三界難飛召將符殿下雷顛嘗大敵軍中風角走妖巫
卽今神聖猶爭頌莫笑當時莽大夫

十用前韻

一笑當時果滅洋紅巾白帽滿朝堂花門首出中興將
米賊兼封異姓王銅版令嚴誅異教鐵牌制毀奉權璫
可憐刻木牽絲拙袍笏空登傀儡場

竟難赤黑辨狐烏眼底雲成萬變圖名士窮搜呼作賊
王孫苦道乞爲奴茝蘭沈慟留湘水禾黍餘哀戀亳都
涕淚新亭果何益有人江左薄夷吾

十一用韻

不須復古但尊王一旅終興夏少康菜葉西風今冷落
茄花滿地舊披猖傳書漫遣三青鳥貢品休徵四白狼
馬上黃塵尤昧目早教簾撤聖神皇

河山北戒鬱盤紆天險關門舊備胡九廟未遷先世鼎
兩京誰掃故宮蕪悲歌易水無豪俠買骨金臺有鈍鴛
往事怕談元代史曾收西域略忻都

早教簾撤聖神皇時慈禧太后仍詔簾聽政德宗不能展志

重游清涼洞呈鍾藕華

五年夢繞清涼洞猿鶴青山待我來添得兩行家國淚
西風吹上會仙臺

繽紛花雨散瑤林持帚仙童倚樹吟莫掃天香落人世

中原逐鹿劫塵深

勝涼洞 會仙臺皆在鎮平縣東藍坊鄉

燕子巖

一統志曰勝涼巖在油坑鄉仙巖寺後亦曰仙巖

佛寺藏山間仙巖伏寺後世少好事人奇境闕荒陋白

晝秉燭遊青山携鶴友

幼雅秀才自言
崆峒嶺後身

入寺復出寺呀然見洞

口守門無仙犬容我踏雲走引人漸入勝平步勢不陡

殿宇當中開千人坐能受遠懷混沌初巧出造化手萬

石造一洞一洞含萬有備具人物形胚胎脫怪醜藏之

九地底遂致長不朽涉冬石氣溫留觀遂能久石燕殊

驕人鐘乳富自守舉族作仙禽得天抑何厚誰實開殺

機採捕入藥臼爲祛六氣淫致損千年壽嗟爾洞天居

安樂焉可狃大聲自何來隱作風雷吼疑爲地軸轉否
或潛龍鬥我欲往探之陰沈不可究於時燭見跋天光
時隱漏入洞復出洞石雲濕兩袖

鍾文南太守

寶熙

自美洲同里賦贈

二首

九萬里程環地底四千年史創皇初別開揖讓征誅局
山海重編化益書

紐約鐵橋天下稀男兒壯志未應違班超萬里封侯去
陸賈千金奉使歸

鍾文南名寶熙 鎮平縣縣人曾任中南美洲各國領事參贊

次韻奉答藕華

五首

烈烈南風沙撲天武陵安穩種仙田桃花流水無今古

閒過蒼鵝出地年

伴食綸扉幾日開
紫垣驚見圻三台
東門黃犬華亭鶴
都入香山感事來

響遏珠塵落殿楹
瑤池春譙按歌情
不知零落雲韶部
可向秦樓逐鳳鳴

啄屋烏多燕子稀
黑雲如墨壓城圍
尋常百姓無家別
不獨烏衣巷已非

休向人間更賦哀
迢迢雲漢待昭回
擎天各展黃人手
重捧紅輪出海來

南巖均慶寺詩

有序

寺在武平巖前所城中巖在寺後如臥獅奇甚由獅

口入洞頗深豁前後俱通中祀自嚴尊者據至治元年僧景鉉碑尊者元仁宗時曾應詔入都靈異卓著今所傳爲宋封定光圓應大德普度古佛者當仁宗而訛也碑云尊者南歸道杭州遇山出蛟以帝所賜金鐘覆之入閩喜此巖有一峯獅子吼萬象盡皈依語因卓錫啟道場帝聞之勅賜藏經尊者接詔歸有句云九重天上恩綸錫拾得曇花滿路香旋示寂於杭閩人塑遺像於寺及巖中寺舊名均慶見萬歷二十五年僧正名碑吾丘氏自閩遷粵在宋元間據家乘四世祖曾禱南巖而五世祖生乃以寺名名之是爲元至正十六年非萬歷碑存無知此寺舊名者矣

巖後鑄人世蓬壺四字父老相傳爲乾隆親筆據萬
歷間武平令成敦睦詩碑四字乃成書也寺所有以
至治碑及延祐間所鑄鐘爲最古今皆存巖中寺有
何仙姑祠俗傳仙姑與尊者爭此巖指巖巔石上仙
足迹爲證然攷諸碑無此語知好事者爲之也庚子
冬十月游此賦四詩紀之

萬山圍一城閩粵此鑰鎖一巖瞰城立一佛踞巖坐旁
立古女仙遺容何婀娜傳聞昔爭墩此語恐未果如何
巖巔石蓮印徧磊砢入巖巖轉深巖勢側而櫛巖居金
色身鑪烟裊古火巖腹蓄乳泉時作天花墮

昔值蒙古世曾有化人師說法動帝聽天龍護南歸乃

從萬石腹手闢招提基一獅作佛吼萬象咸佛皈競傳
古佛身應化來南維彈指五百年時代紛傳疑問佛佛
不言問僧僧豈知上有延祐鐘下有至治

入冬萬化閉群山慘澹色我來逢睡獅對佛坐歎息虎
狼方滿野殺氣黯西北豈無乾淨土恐化虎狼國何時
一吼威竟使群凶踣春雷萬蟄動陽和轉東極會須起
睡獅諸天奮神力

吾祖昔入粵五世乃始昌當時佛抱送墜地騰佛光以
寺名厥名至今留餘慶我從海上來五載離閩疆此行
訪佛迹再見閩山蒼閩山連粵山遙控東南洋長蛟率
悍類毒霧遮日光安得佛金鐘覆使毋披猖欲讀金字

經貝葉無遺藏誰傳神山筆父老思先皇入寺致故名
剔蘚殘碑旁手携石墨歸滿路曇花香

寄懷公度

二首 時十二月立春前二日

梅花消息最分明已報山中歲欲更野草初蘇呼鹿友
江波微長受鷗盟高門盤菜神京夢伏枕鑪香晝省情
一卷公羊宜起疾先春重與訂王正

北風吹雪晝紛紛盼得微晴日未曛掃血故巢歸蜀帝
招魂香草待湘君驚回夜豹寒中吠喚起春牛夢裏文
無限登高賦詩意況因八表悵停雲

立春前一日侍家大人游薯村題宗人山樓

不晴不雨釀春寒萬里歸承膝下歡親侍羅浮萬年杖

湖山無恙故鄉看

家大人所携杖
羅浮赤巖也

近約山村作近游看山今始快登樓停欄忽動飛熊感

西望長安渭水流

樓祀漢
昭太公

華村在鎮平縣北文福鄉

嶺雲海日樓詩鈔

辛丑王寅稿

南武山人丘逢甲倉海著

同懷弟輯兆甲編輯

游薑畬題山人壁 二首

春山草淺畜宜羊山半開畬合種薑比較生涯薑更好

兒童都唱月光光畜羊種薑利惠難當俗語也
月光光好種薑重話語

東風吹暖好年光正月蟾蜍已落塘更乞天公二日雨

山田高下有新秧蟾蜍落塘宜下穀
種農家以爲占驗

薑畬在鍾平縣北文福鄉

雨宿新步次韻答子華 三首

四姑嶂下花始開九子嶺邊聞晚雷濛濛細雨一帆重

入向春雲來處來

不羨封侯入玉門中原未靖虎狼群欲呼力士攜錐出

誰是人間倉海君

子昂時得某武弁
爲弟作調之

春江欲濟苦無舟滾滾清流變濁流醉看蛟龍挾雲去

臨池且爲學書留

神位大水換船
爲市人作書

新步在鎮平縣南金沙鄉之小鎮又作新鋪

重簾

重簾不捲久留香壓院雲陰漏晚光是雨是晴渾未定
碧桃花下看斜陽

虬枝

虬枝十丈老槎枒迸出烘天萬朶霞惜我來遲春已暮

東山開過木棉花

三月初八夜

十二年前此夜中
白袍人正試南宮
驚心胡馬蹂春甸
矯首孤羆憶故叢
何日掃塵迎警蹕
當時入彀枉英雄
萬言策在嗟無用
冷對山堂燭淚紅

褚淵

西風吹淚石頭城
老作中書轉損名
自是毫無丈夫氣
山陰此語定平生

夢覺

夢覺游仙天欲明
東窗一角白初生
梅花紙帳春慵起
臥聽山禽奏樂聲

東山謁韓祠畢得子華長句次韻寄答

新市樓頭和詩畢，舟師告行仗風力。誰知大句捷于風，
六百里程遠追及。于時我正從韓公，捕逐八荒兩翅疾。
乾坤雷琅擺光燄，青蓮樂府少陵律。時虞仙官勅六丁，
白日青天起霹靂。島瘦郊寒湜籍走落落，人才困馳驟。
終須載筆縛元濟，豈惟奮舌誅庭倭。偶語龍湫窺砮磬，
羣鬼聞之驚破胆。不知此特不平鳴，愚兒但妒詞何膽。
古人餘韻吁莫追，嗟我與君猶門險。書生今日良可哀，
有策難上黃金臺。燕趙曾聞古多士，悲歌慷慨安在哉。
空談橫磨十萬劍，言者自憤旁人哈。漢家不出衛霍才，
西極天馬何時來。

東山寄懷南海裴伯謙縣令 二首

水簾亭畔倚闌干，倦客重來拾墜歡。
南海月明千里共，東山雲臥一春寒。
神仙從古多爲令，名士何曾竟負官。
應有新詩寫新政，可能遙寄練江看。

橫流無地可安居，身愧王尼尙有車。
殘月啼鵲家國淚，斷雲歸鴈友朋書。
論交四海心猶熱，獨立三邊願已虛。
爲語修齡益愁索，故人仁祖近何如。

裴景福字伯謙，曾爲潮陽縣令，後調南海。

眉山爲作獨立圖，二年尙未成，作此速之。

三年變態無不有，世界非新亦非舊。
前顛後仆人幾何，新不能維舊難守。
此時獨立蒼茫人，詩且罷吟合呼酒。

可憐磊塊澆難消誰能寫向丹青手荷君諾我頗添毫
如何閣筆三年久幸不障面羞彥回更不函頭哀侘冑
還我堂堂地做人所貴完身成不朽平生儒冠久自厭
長劍橫腰衣短後不妨圖我作老兵天下于今武方右
乞君速踐息壤言勿使神龍空見首

晨起書所見

晨陰盼庭樹有雀拳高枝老鴉爾何來欲攫充朝飢雀
驚飛且噪乞救聲何悲一雀噪未已百雀噪而隨雀亦
有俠腸不忍同類危羣雀禦獨鴉力小心則齊竟令遠
引避不敢復來窺惟獨力無大惟羣力無小嗟哉不能
羣人而不如鳥

雜詩四首答鄭生

洪水昔降災天下困沈溺上巢下營窟非不工避匿大
鳥呼大獸出與人相迫死者魚鼈游生者鳥獸食天生
羣聖人界各盡天職水平鳥獸去用教民稼穡芒芒大
地中乃始有中國此豈託空言要在奮神力蚩蚩者彼
民實具愚下質嬉游幸無事事至徒歎息由來天下事
任者在豪傑

鸛鵒甘腐鼠仰視嚇鵠雞鵠飢有竹實彼鵠安得知天
生物惟萬物物性不齊持海語并蛙持天語醯雞徒煩
告者勞終受聽者嗤聖人物萬物不與物性違使鳥宅
深林使魚室深池是之謂物化毋失化者機惟物有蠢

靈惟人有智慧治君子以德治小人以威物物性不齊
何用多言爲

百禽中有鶴自是禽中仙胡爲俯求食而受鷄鶩嗔鳳
皇帝百禽爾鶴爾臣鄰高飛就鳳凰孰能爲鶴先鳳皇
方渴睡訓狐攝厥權燕蝠且笑之爾鶴何容前欽鴝乘
鳳敝自耀文采鮮豈無衆惡禽推奉相聖賢慎哉勿妄
投庶得身名全鳳睡有醒時何事皇皇然蕩蕩者九臯
高高者九天何行不騫騫何飛不翩翩神仙自輕舉寧
受凡夫憐

鷄鵲集魯門不樂鐘鼓養鷄鵲雖人言常有隴山想桑
扈啄場粟得食自俯仰豈願爲燕雀處君高堂上籠禽

厚予食雖飽神不王謝安臥東山不慕爲晉相馬援困
浪泊乃悔爲漢將將相豈不佳達者非所望中原昔龍
戰三顧起葛亮盡瘁五丈原躬耕失高尚聖人志行道
固不計得喪蜚鴻已貶辱衰鳳復騰謗歸對山梁雉時
哉發歎悵

寄懷瑞鳳綸分轉

詰

檠戟重臨鳳水湄三年誰與共憂時魏暮帝問傳家笏
蘇軾天留過嶺詩富國祇今先煮海才人從古例分司
湖山到處題名在耿耿心應有石知

新闢王通講學廬許分徐福逸篇書舳艫轉海無消息
字彗經天有掃除

去年開同文學堂君許以日本書百卷見贈春未來而北事起

萬里共傳封事上

君有藥法

係陳

百年休悔樹人疏自慚冷坐河汾席將相終思爲國
儲

題太白醉酒圖 二首

天寶年間萬事非祿山在外內楊妃先生沈醉寧無意
愁看胡塵入帝畿

早年妙句擅沈香晚作流人下夜郎誰識先生非酒客
當時慷慨爲勤王

東山感春詩次己亥感秋韻

滄海塵生錦瑟年明珠淚盡月當天人間傳徧西崑體
誰解春心託杜鵑

歌殘汾水雁秋飛北望胡塵淚滿衣愁對春風吟水調

六龍西幸不曾歸

桃花春水漲前灘待渡無舟欲濟難落日孤雲心萬里
望仙橋畔望長安

衣冠南渡避胡來憑仗雙輪碾海開應有田橫客相笑
春帆葉葉過登萊

變現諸天說法身穗香醒夢證前因徧呼黃帝諸孫起
莫作華胥國裏人

神丹浪說解還童哀感中年遇謝公難遣故宮禾黍恨
春燈和淚寫王風

題潘蘭史江湖載酒圖

老蘭編集似朱十曠代相感惟牧之何曾護惜有街卒

但遣風流傳畫師四海交推敢論事千秋豈信空稱詩
才人薄倖不自諱何不並寫江南枝

題丘園雅集圖

東園西園醉未已大雅小雅材幾何元白卽看壓俱倒
丹青相與存不磨桃花流水客停棹碁局空山樵爛柯
此樂圖之豈易得敢辭留戀佛所呵

丘園在順德丘菴桐之家園也

題紅拂圖

平生願作虬髯客人道才如李藥師獨對丹青灑雄淚
不曾眞受美人知

題倪縣令松鶴圖

二首

官思何如歸思濃采芝翁健免扶筇輕裝只載華亭鶴

未看北山堂外松

竹垞樵歌句北山堂外九株松
倪嘉興人曾爲南匯令

曾從鱷海遠趨庭未忘鴛湖舊釣舫松有稚孫鶴有子
山風吹與老人聽

送張別駕之官黔中

一官萬里黔中去並馬看山有侍兒重認摩圍小時月

滿簾花影唱新詞

張曾望
官于黔

次韻寄譚彤士

國恩

桂林

四首

走馬看花憶鳳城如烟如夢不分明回頭十二年前事
殘照西山戰氣橫

八桂林邊多好山一麾遙羨數躋攀何時携屐訪君去

老我猶能腰脚頑

怕向宣南說舊游烽煙滿目客登樓歐陽門下吾尤愧

但有文章放出頭

謂春卿師

故事騶鸞推石湖清詩美政今何如東江西江日夜長
雙鯉休忘常寄書

汕頭海關歌寄伯瑤

風雷驅鱷出海地通商口開遠人至黃沙幻作錦繡場
白日騰上金銀氣峨峨新舊兩海關舊關尙屬旂官治
先生在關非關吏我欲從之問關事新關主者伊何人
短衣戴笠胡羊鼻新關稅贏舊關紕關吏持籌歲能記
新關稅入餘百萬中朝取之償國債日日洋輪出入口

紅頭舊船十九廢土貨稅重洋貨輕此法已難相抵制
況持歲價兩相較出口貨惟十之一入口歲贏二千萬
曷怪民財日窮匱惟潮出口糖大宗頗聞近亦鮮溢利
西人嗜糖嗜其白賤賣赤砂改機製年來仿製土貨多
各口華商商務墜如何我不製洋貨老生抵死譬機器
或言官實掣商肘機廠欲開預防累此語或真吾不信
祇怪華商少雄志坐令洋貨日報關萬巧千奇無不備
以其貨來以人往大艙迫窄不能位歲十萬人出此關
僕指來歸十無四十萬人中人彘半載往作工仰喂飼
可憐生死落人手不信造物人爲貴中朝屢詔言保商
惜無人陳保工議我工我商皆可憐強弱豈非隨國勢

不然十丈黃龍旗何嘗我國無公使彼來待以至優禮
我往竟成反比例且看西人領事權雷厲風行來照會
大官小吏咸轔縮左華右洋日張示華商半懸他國旗
報關但用橫行字其中大駭尤狡獪播弄商權遽橫恣
商誇洋籍民洋教時事年來多怪異先生在關雖見慣
思之應下哀時候閩粵中間此片土商務蒸蒸歲逾歲
瓜分之圖日見報定有旁人思攘臂關前關後十萬家
利窟沈酣如夢寐先王古訓言先醒可能呼起通國睡
出門莽莽多風塵無奈天公亦沈醉

四月十六夜東山與臺客話月

萬事應教付酒杯眼看雲合又雲開中天月色雨餘好

大海潮聲風送來人物祇今思故國江山從古屬雄才
飄零剩有鄉心在夜半騎鯨夢渡臺

天地

天地道方否人才散于野遭時乃雲合豈有平生雅英
雄造世宙其才自天假書或僅上口名或不能寫古來
真英雄屈指幾儒者文人習目論動歎人才寡我自不
英雄奈何責天下

舟過韓江有奇

此水東來我西上扁舟北過江上城南風正利不得泊
良夜相思空月明

題畫

奇峯面面入層雲長板橋西坐夕曛秋水一箇山九曲
放船同訪武夷君

客懷

古樹半秋色西風吹客懷呼童掃不盡落葉滿閒階

舟發新步

金鞍塞下溪水流石鼓潭邊雨乍收一葉扁舟載斜日
澤蘭花發古堤秋

爲潮人士衍說孔教于鮑浦伯瑤見訪有詩次韻
答之

大海潮來獨倚欄七千里外冷朝官重提孔子尊王義
如日中天萬象看

王曉滄將之官閩中賦別 六首

六龍尙未西巡日海外曾開萬壽宮聖主迴鑾臣聽鼓

一官千里入閩中

曉滄偕祝萬壽于縣齋

頗聞新政議裁官何事卑栖令尉間畢竟才人裁不得
要將詩界拓閩山

有人圖寫閩山去着色爭誇勢力圈淚灑君家故王墓
蕭蕭松柏鎖寒烟

馬江雖敗船政在戰後依然用法人二十年來海權盡
浪拋財力鑄官輪

鼓山東望龍渡處海雨曾飄開國旗從古英雄論成敗
不堪重話共和時

海山莽莽送君行海水茫茫無限情未敢寶刀輕脫贈
恐教添作不平鳴

著邑爭論勢力圖時日人盡圖其勢力範圍有不許割讓他國之約
鼓山東莒縣城屬海山脈其與京言謂由福州鼓山之龍潭海而成

重送王曉滄次前韻

六首

江山霸氣消沈盡何處閩王有故宮獨客尋師海天去
無諸城郭夕陽中

才人從古不宜官置汝髯參短簿間北望中原數豪傑
左旗右鼓眼中山

一官便具奴才性誰是英雄出此圈且合看山持手版
釣龍臺上嘯寒烟

競爭世界論天演此去閩中太有人喚起群龍聽梵唱

諸天同轉法王輪

開徧嶺梅日長至
霏霏寒雨飄船旗
詩中長記送君日
此是人天剎復時

落日浮雲送客行
舊游回首不勝情
海山儔侶如相問
大鳥二年尙不鳴

歲暮感懷次感春韻

六首

浪說蘆灰止水年
笙簧重奏古來天
陽樞不轉春消息
老木寒巢噤帝鵲

玉龍殘甲滿天飛
萬里寒光照鐵衣
黃竹歌中行入駿
瑤池空送穆王歸

扁舟釣雪下寒灘
落日荒荒欲霽難
滿目江山沈戰氣

可能王業不偏安

曾從劍俠傳中來十萬戈船夢裏開把酒寒齋逢故部

海東殘島話奇萊

奇萊海東地

萬梅花裏問前身我佛從來戒造因冷看天傾無力補
莫將黃土浪搏人

禾黍何須怨校童是非從古論難公可憐神化丹青手
賸粉零縑寫北風

次韵答伯瑤

門外大海生春濤海山矗立如墻高款門何人曳春袍
蘭陵夫子今詩豪海山自蒼海水綠對客揮毫灑珠玉
杜陵樂府老更成休作開元天寶聲

苦旱 二首

手無寸鐵誅妖魅安得神龍出九淵但解乘球用今法
不妨持藥炸青天

眼中赤地真千里萬首翹天望雨來誰叩九閭訟風伯
新雲才起又吹開

喜謝頌臣由臺至

雞黍二年約鶯花二月時春隨故人至書慰老親思海
上驚相見山中喜可知春筍酒方熟莫遽數歸期

次韵答賓南金陵

楊柳依依白下門梅花歷歷嶺頭村南來驛信春同到
北去班聲夜尙喧清酒黃龍半要約素車白馬幾忠魂

與君別後論身世除却悲歌百不存

次韻再答賓南兼寄陳伯嚴

四首

如此江山客閉門有人相憶向蠻村
神龍睡任群魚泣病驥暗看萬馬喧
撫劍已憐消俠骨選書重與揀歸魂
蕭條炎運人才盡差喜陳蕃榻尙存

故鄉投足向何門丁水南來遶古村
華表鶴歸山月暗神州鰲沒海濤喧
競爭世界憐天演寥落中原愴國魂
手把英雄傳閒讀眼中多少可兒存

遙憐駐馬望千門人在江南黃葉村
鼠璞殊方名未定蚊雷竟夕語何喧
心關國粹謀興學日笑時流說重魂
庚子陳經拜宣聖尊王遺義故應存

南戒河山走越門布衣牢落此荒村望中殘照金輪側
意外虛聲瓦缶喧敢信羣龍終見首竟煩大鳥屢招魂
重陰天氣懷人日展卷吾廬春自存

與頌丞話臺事

萬二千尺出海面島國諸山無此高誰遣黃圖易他色
空傳赤制屬吾曹夢中雄鬼哀相弔劫後頑仙笑獨逃
收拾磨厓紀功筆東南風急送春濤

書感與頌丞

各自行營高敞地大宛山與大屏鄰生兒莫作眞王想
不及淮陰守冢人

大宛大屏兩人并墓在焉

大宛山大屏山皆在臺灣省臺中府

論詩次鐵廬韻

十首

元音從古本天生何事時流務競爭詩世界中幾雄國
惜無人起與連衡

邇來詩界唱革命誰果獨尊吾未逢流盡元黃筆頭血
茫茫詞海戰羣龍

新築詩中大舞臺侏儒幾輩劇堪哀卽今開幕推神手
要選人天絕代才

臺上風雲發浩歌不須猛士再搜羅拔山妄費重瞳力
夜半虞兮唱奈何

北派南宗各自誇可能流響脫淫哇詩中果有眞王在
四海何妨共一家

彼此紛紛說界疆誰知世有大文章中
天北斗都無定浮海觀星上大郎

芭蕉雪裏供摹寫絕妙能詩王右丞
米雨歐風作吟料豈同隆古事無徵

四海橫流未定居千村萬落廢犁鋤
荊州失後吟梁父空憶南陽舊草廬

展卷重吟民主篇海山東望獨悽然
英雄成敗憑人論贏得詩中自紀年

來詩有民主語

四海都知有蟄庵重開詩史作雄談
大禽大獸今何世目極全球戰正酣

送謝四東歸

故人訪我東海來春風萬里心顏開故人別我東海去
臨歧各短英雄氣七年不見今再見滄海桑田事萬變
中間不變故人心袖手海天看龍戰君來一月無停車
訪我更訪山中廬老親喜君送君出來此十日相同居
七年乃有此十日但覺日行比常疾此日不爲君我留
南風日日催行舟舟行既速況有輪輪轉四海揚胡塵
送君此去作胡語樂府休唱胡無人我年方強君未老
惜君投身隱海島亞洲大陸局日新時勢逕待英雄造
海山之高一萬三千尺當年棄去良可惜橫來不王復
不侯爲我歸言島中客包胥存楚約可尋廉頗用趙原
初心相期亞陸風雲再相見騎鯨東海來挽神州沈

紀興寧婦女改妝事與劉生松齡 二首

山川奇偉數齊昌不獨男兒解自強要使金閨興女學

銀釵先改峒蠻妝

峒蠻一作樓宮

維新殊有九州風新綰盤蛇髻更工預祝英雄出巾幗

武婆城在碧雲中

興寧以製造品最著仿造有小日本之稱

劉松齡興寧人
齊昌興寧縣古名

次韻答維卿師

流落天南今八載接天海氣晝昏昏錦袍銀燭追前夢
夜半濤聲倍斷魂

空存扶漢分章手無計能開日月昏獨立蒼茫發遐想
自由鐘起國民魂

原作

海天十載雲霞契，狼虎餘生日月昏。
無淚可揮無語說，偶開絨札一銷魂。

題畫四絕句

漫天飛雪淨紅塵，吩咐門前掃雪人。
要向梅花問消息，空山已放幾分春。

多時放牧出天閑，邊事無功馬自閒。
楊柳千條溪一曲，可憐神駿老空山。

遮天濃碧老梧桐，曾種前皇舊上宮。
鳳鳥不來人事改，簫聲閒度月明中。

閒敲棋子向山中，不信神仙萬念空。
一局松陰未收著，

人間成敗幾英雄

題畫芙蓉

曾記花間倚醉眠
露寒風定月娟娟
畫中重見芙蓉面
酒冷香消憶少年

寄臺灣櫟社諸子兼懷頌丞

二首

柏莊誰拾燹餘文
櫟社重張劫後軍
九十九峯依舊好
盡携豪筆寫秋雲

月泉詩卷憑誰定
還待當時晞髮人
遙憶參軍謝皋羽
西臺朱鳥獨傷神

柏莊爲公在臺灣省臺中故宅爲倭軍所毀
九十九峯爲臺灣名勝

題蘭史羅浮紀游圖

我閱世界大地圖羅浮一點乃在南嶺之南隅神禹伯
益導焚所未到發見乃始漢家使者中大夫二千餘年
在世界爲山主者仙之儒洞天福地收不盡許容黃面
瞿曇徒霸者之宮賊巢穴山時亦遭點汙游人遷客
更多事往往鑄刻傷山膚沈迷詩酒發幻想或突神女
搪仙姑梅花無言翠羽笑夢中彼美顏何姝天公應悔
蓬萊割左股墮落慾界非仙都邇來仙人所治地益窄
塹山跨海來羣胡各思圈地逞勢力此邦多寶尤覲覲
此時儻有豪傑出豈能揖讓無征誅此時若作厭世想
縱成仙去胡爲乎潘生昔游半球萬里路海山看盡呼
歸桴中間錫蘭島上逢佛睡一任釋種爲人奴佛猶如

此仙可想但有沈醉醪何酥仙人醉生佛夢死世間學
者寧非愚留名山石石且枯豈有丹青能不逾人生若
作千秋萬歲想固應自立昂藏軀黃河揚子珠江判流
域文明之運方南趨天道由來後起勝以中證外原非
誣但須世界有豪傑太極雖倒人能扶南界之山走百
粵如羅浮者雄非巖奇峯四百瀑九百慎勿但作詩人
娛上有神桂下有湖洞中仙蝶不可呼題君此圖正風
雨想見羅浮離合雲模糊